

INAP LONG YU I KEN KARIM BUAI I KAM INSAIT LONG AUSTRALIA O NOGAT?

Wanpela toksave bilong givim stia long ol wokman bilong PALM scheme

Yu i ken karim buai inap i go long mak bilong 10pela kg tasol i kam insait long Australia long yu yet bai yusim. Sapos yu stap insait long Australia long longpela taim liklik, orait ol femili bilong yu i ken salim buai i kam long yu long meil long mak i go antap long 10pela kg. Tasol, lo i tok tambu long salim buai.



Salim buai insait long Australia em lo i tambu tru long en na dispela i ken kamapim ol fain o givim taim bihain long banis kalabus.

Yus bilong buai long Australia

Ol Wokman insait long dispela PALM scheme i ken yusim, serim, na kaikai buai insait long Australia tasol yu bai no inap long salim.

Ol man o meri husait i kisim yu long wok bai no inap tok orait long yu long kaikai buai taim yu wok. As bilong dispela em olsem buai i ken paulim gutpela tingting bilong yu long wokim wok bilong yu gut. Yu i ken usim autsait long ol taim bilong wok.

Spet nambaut taim yu kaikai buai i ken kamapim bagarap long wok ples o long haus bilong silip. Yu mas traime long yusim kontena long spet igo insait long daunim bagarap. Taim yu yusim kontena, mipela laikim olsem yu mas toromoi dispela igo insait long wanpela rabis bin bihain long yu yusim, o wasim gut tru bipo long yu i ken yusim gen.

Ol poroman na femili bilong yu i kem salim buai i kam long yu long meil taim yu stap long Australia, na dispela em orait sapos em ananit long 10pela kg na ol i pekim gut insait long kli karamap na igat phytosanitary setifiket bilong em.. Moa toktok long ol dispela ol lo i stap long narapela peig bai i kam.

Ol strongpela lo insait long Pasifik

Sampela ol Pasifik ailan gavaman na ol balus kampani, olsem Solomon Islands na Papua New Guinea, igat ol strongpela lo bilong ol yet long yusim buai na kisim igo autsait long kantri.

Sekim Labour Sending Unit bilong yu long painim aut wanem ol dispela kain ol lo i stap long kantri bilong yu.

Ol samting i save kamap long helt

Em i bikpela samting tru long save long ol dispela samting we buai i ken kamapim long helt bilong yu. Ol sotpela na ol longpela-taim helt problem we buai i ken kamapim em olsem:

- lewa pam i go antap tru, presa bilong blut i go antap, tuhat i pundaun na bodi i pilim hot
- kala bilong ol tit na gam i senis i go narakain
- ol bikpela sua long maus na ol sik bilong gam
- ol kensa bilong maus (planti taim long autsait long maus, insait long maus na tang).

Sapos yu karim buai wantaim yu taim yu kam long Australia orait yu i mas:



1. Kisim wanpela phytosanitary setifiket i kam long gavaman bilong yu yet bipo long yu ron long wokabout bilong yu i kam.

- Em i mas i gat ol infomesen na tok yu mekim long en we em i inapim ol baosikiriti impot kondisen. Ol dispela baosikiriti kondisen yu i ken painim taim yu i bihainim ol tok insait long "Moa infomesen" hap daunbilo.



2. No ken karim moa long 10pela kg (long wanwan man/meri)

- Mas mekim gut olsem em i stap insait long karamap we i klia long en.
- Sapos yu i gat moa long 10pela kg, ol i bai kisim na go sekim gut autsait long ples balus. Ol i bai sasim yu wanpela fi long dispela, na em bai kisim olsem mak bilong sampela ol dei o sampela wik bihain long ol i givim bek ol dispela buai i kam bek long yu.



3. Pulapim stret pasindia kad bilong yu long kam insait na putim i go daun tu:

- Olsem yu karim buai wantaim yu, na sapos em i stap long bek yu karim wantaim long en o long ol kago bek bilong yu.
- Ol sampela narapela samting (olsem kambang na daka) yu i gat wantaim yu.
- Yu i mas tingting na redi long bekim olgeta askim i kam long yu long ol kastoms o baosikiriti wokman long trupela na stretpela wei.



4. Taim yu kam kamap insait long Australia

- Yu mas soim buai bilong yu, wantaim phytosanitary setifiket na pasindia kad bilong yu long kam insait long ol baosikiriti wokman.
- Sampela taim ol baosikiriti wokman bai i sekim gut ol buai bilong yu.
- Sapos buai bilong yu i stap long sais na mak bilong karim, na pepa wok bilong em i stret, na i nogat binatang i stap long en, ol i bai givim i kam bek long yu.

Moa infomesen

Sapos yu i gat sampela askim long kisim buai i kam o long yusim buai taim yu stap insait long Australia, yu ken painim moa infomesen long ol dispela hap:

- Australian Government Biosecurity Betel Nut Conditions, BICON: www.bit.ly/import-conditions-betelnut
- Kantri husait i salim i kam Labour Sending Unit bilong em: www.palmscheme.gov.au/countries
- Ol kantri liesen opisa o wokman husait i stap pas wantaim Leiba long Australia www.palmscheme.gov.au/contact

BICON

